

**სსიპ - ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობითი საბჭოს მიერ დამტკიცებული ფსიქოლოგიისა და განათლების მეცნიერებათა ფაკულტეტის დებულებაში ცვლილების შეტანის თაობაზე**

„უმაღლესი განათლების შესახებ“ საქართველოს კანონის 28-ე მუხლის „დ“ პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის N135/ნ ბრძანებით დამტკიცებული საჯარო სამართლის იურიდიული პირის - ივანე ჯავახიშვილის სახელობის თბილისის სახელმწიფო უნივერსიტეტის წესდების მე-11 მუხლის პირველი პუნქტის „დ“ ქვეპუნქტის, სსიპ - ივანე ჯავახიშვილის სახელობის თბილისის სახელმწიფო უნივერსიტეტის ფსიქოლოგიისა და განათლების მეცნიერებათა ფაკულტეტის საბჭოს 2018 წლის 9 თებერვლის გადაწყვეტილების საფუძველზე,

შევიდეს შემდეგი ცვლილებები ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობითი საბჭოს მიერ დამტკიცებული ფსიქოლოგიისა და განათლების მეცნიერებათა ფაკულტეტის დებულებაში:

**1. დებულების მე-5 მუხლის მე-2 პუნქტში შევიდეს ცვლილება და იგი ჩამოყალიბდეს შემდეგი რედაქციით:**

„2. ფაკულტეტის საბჭოს შემადგენლობაში შედის ფაკულტეტის სტრუქტურული ერთეულებიდან არჩეული აკადემიური პერსონალი და სტუდენტთა თვითმმართველობის წარმომადგენლები. ფაკულტეტის საბჭოში სტუდენტთა თვითმმართველობის წარმომადგენელთა რაოდენობა არ შეიძლება იყოს საბჭოს შემადგენლობის 1/4-ზე ნაკლები. ფაკულტეტის საბჭოს შემადგენლობაში, ფაკულტეტის საბჭოს წევრის სტატუსით, ასევე შედის ფაკულტეტის დეკანი.“;

**2. დებულების მე-6 მუხლში შევიდეს ცვლილება და იგი ჩამოყალიბდეს შემდეგი რედაქციით:**

**„მუხლი 6. ფაკულტეტის საბჭოს ფორმირების წესი**

1. ფაკულტეტის საბჭოს წევრობის კანდიდატი შეიძლება იყოს ფაკულტეტის დეპარტამენტებში შემავალი ინსტიტუტების აკადემიური პერსონალი.

2. ფაკულტეტის საბჭოში აკადემიური პერსონალის წარმომადგენლები აირჩევიან შესაბამისი დეპარტამენტის პროფესორთა კრებაზე ღია კენჭისყრით. დეპარტამენტის ყოველ პროფესორს შეუძლია საკუთარი ან სხვა კანდიდატურების დასახელება.

3. ყოველ კანდიდატს კენჭი ეყრება ინდივიდუალურად. უკეთესი შედეგის მქონე კანდიდატი ხდება ფაკულტეტის საბჭოს წევრი. თანაბარი ხმების მიღების შემთხვევაში ტარდება განემორებითი კენჭისყრა.

4. ფაკულტეტის საბჭოს წევრად არჩეული აკადემიური პერსონალის უფლებამოსილების ვადა განისაზღვრება 4 წლით. ვადის გასვლის შემდეგ ფაკულტეტის საბჭოს წევრს უწყდება უფლებამოსილება.

5. ფაკულტეტის საბჭოს წევრი სტუდენტური თვითმმართველობის წარმომადგენელი სტუდენტის სტატუსის შეწყვეტის, ან სხვა ფაკულტეტზე მობილობის წესით გადასვლის შემთხვევაში ავტომატურად კარგავს ფაკულტეტის საბჭოს წევრობის უფლებას.“;

### **3. დებულების მე-7 მუხლს „ჟ“ ქვეპუნქტის შემდეგ დაემატოს შემდეგი შინაარსის მქონე „ჟ<sup>1</sup>“ - „ჟ<sup>5</sup>“ ქვეპუნქტები:**

„ჟ<sup>1</sup>) ქმნის სწავლებისა და კვლევის ხარისხის უზრუნველყოფის მექანიზმს;

ჟ<sup>2</sup>) მაგისტრანტობის კანდიდატებისთვის შეიმუშავებს უმაღლესი საგანმანათლებლო დაწესებულების მიერ განსაზღვრული გამოცდის/გამოცდების ჩატარების წესს საქართველოს განათლებისა და მეცნიერების მინისტრის ბრძანებით დადგენილი წესის შესაბამისად;

ჟ<sup>3</sup>) სამაგისტრო საგანმანათლებლო პროგრამის განხორციელების მიზნით განსაზღვრავს სპეციალობის/სპეციალობების ჩამონათვალს საგანმანათლებლო პროგრამული მიმართულებების ფარგლებში;

ჟ<sup>4</sup>) სასწავლო წლის დასაწყისში განსაზღვრავს კოეფიციენტებს ერთიანი ეროვნული გამოცდისათვის;

ჟ<sup>5</sup>) სასწავლო პროცესის მართვის სამსახურისა და ხარისხის უზრუნველყოფის სამსახურის წარდგინების საფუძველზე, იღებს გადაწყვეტილებას აკადემიური ხარისხის მინიჭების შესახებ პირის მიერ აკადემიური უმაღლესი განათლების საფეხურების - ბაკალავრიატისა და მაგისტრატურის - დამთავრებისას.“;

### **4. დებულების მე-14 მუხლს დაემატოს შემდეგი შინაარსის მე-6 პუნქტი:**

„6. უზრუნველყოფს ფაკულტეტის კურსდამთავრებულებთან მუშაობის კოორდინირებას“;

### **5. დებულების მე-15 მუხლის პირველი პუნქტი ჩამოყალიბდეს შემდეგი რედაქციით:**

„1. ფაკულტეტის ხარისხის უზრუნველყოფის სამსახურის სტრუქტურა ითვალისწინებს: ფაკულტეტის ხარისხის უზრუნველყოფის სამსახურის ხელმძღვანელს (შემდგომში - „უფროსი“), სამსახურის წევრებსა და დამხმარე პერსონალს.“;

**6. დებულების მე-17 მუხლს დაემატოს შემდეგი შინაარსის მქონე მე-3 პუნქტი:**

„3. ფაკულტეტის ხარისხის უზრუნველყოფის სამსახურის ხელმძღვანელისათვის წასაყენებელ მოთხოვნებს განსაზღვრავს უნივერსიტეტი.“

**7. დებულების მე-24 მუხლს დაემატოს შემდეგი შინაარსის მქონე მე-8 პუნქტი:**

„8. საგანმანათლებლო პროგრამის შემუშავების, განხილვასა და დამტკიცებასთან დაკავშირებული სხვა პროცედურული საკითხები განისაზღვრება საგანმანათლებლო პროგრამის დაგეგმვის, შემუშავებისა და განვითარების ინსტრუქციით, რომელიც მტკიცდება უნივერსიტეტის აკადემიური საბჭოს დადგენილებით.“;

**8. დებულების მე-29 მუხლის მე-2 პუნქტში შევიდეს ცვლილება და იგი ჩამოყალიბდეს შემდეგი რედაქციით:**

„2. ფსიქოლოგიის სასწავლო-სამეცნიერო დეპარტამენტი შედგება სასწავლო-სამეცნიერო ინსტიტუტებისგან:

ა) კოგნიტური და ნეიროფსიქოლოგიის სასწავლო-სამეცნიერო ინსტიტუტი:

ა.ა) კლინიკური ნეიროფსიქოლოგიის მიმართულება;

ა.ბ) კოგნიტური ფსიქოლოგიის მიმართულება.

ა.გ) ფსიქოლოგიური ანთროპოლოგიის მიმართულება.

ბ) პიროვნების, შეფასებისა და კონსულტირების სასწავლო-სამეცნიერო ინსტიტუტი:

ბ.ა) პიროვნების ფსიქოლოგიის მიმართულება;

ბ.ბ) ფსიქოლოგიური შეფასება/დიაგნოსტირების და კონსულტირების მიმართულება;

გ) სოციალური ფსიქოლოგიის სასწავლო-სამეცნიერო ინსტიტუტი:

გ.ა) სოციალური ფსიქოლოგიის მიმართულება

გ.ბ) გამოყენებითი სოციალური ფსიქოლოგიის მიმართულება;

დ) განათლების ფსიქოლოგიის სასწავლო-სამეცნიერო ინსტიტუტი:

დ.ა) განათლების ფსიქოლოგიისა და კვლევის მიმართულება;

დ.ბ) სკოლამდელი და სასკოლო ასაკის ბავშვის ფსიქოლოგია და კონსულტირება

ე) შრომისა და ორგანიზაციის ფსიქოლოგიის სასწავლო-სამეცნიერო ინსტიტუტი:

ე.ა) ორგანიზაციული ფსიქოლოგიის მიმართულება.

ე.ბ) ადამიანური რესურსის მართვის მიმართულება.“;

**9. დებულების 35-ე მუხლის მე-2 პუნქტის „ლ“ ქვეპუნქტი ჩამოყალიბდეს შემდეგი რედაქციით:**

„ლ) ფაკულტეტის საერთაშორისო კავშირების გაფართოება, სამეცნიერო კვლევის ინტერნაციონალიზაცია, უცხოელ მეცნიერებთან ერთობლივი სასწავლო და სამეცნიერო პროექტების განხორციელება ფაკულტეტის სასწავლო და სამეცნიერო მიმართულებების ფარგლებში;“;

**10. დებულების მე-39 მუხლის პირველი პუნქტი ჩამოყალიბდეს შემდეგი რედაქციით:**

„1. ფაკულტეტზე შესაძლებელია არსებობდეს აკადემიური, ადმინისტრაციული, სამეცნიერო, მასწავლებელთა და დამხმარე თანამდებობები.“;

**11. დებულების 39-ე მუხლს, პირველი პუნქტის შემდგომ დაემატოს შემდეგი შინაარსის მქონე 1<sup>1</sup> პუნქტი:**

„1<sup>1</sup>. ამ მუხლის პირველი პუნქტით გათვალისწინებული პერსონალის შეფასება ხორციელდება უნივერსიტეტში მოქმედი რეგულაციების შესაბამისად.“;

**12. დებულების მე-40 მუხლის პირველი პუნქტი ჩამოყალიბდეს შემდეგი რედაქციით:**

„1. ფაკულტეტის აკადემიური პერსონალი შესაძლებელია შედგებოდეს პროფესორისაგან, ასოცირებული პროფესორისაგან, ასისტენტ-პროფესორისა და ასისტენტისაგან.“;

**13. დებულების მე-40 მუხლის მე-2 პუნქტი ამოღებული იქნეს;**

**14. დებულების 42-ე მუხლი ჩამოყალიბდეს შემდეგი რედაქციით:**

**„მუხლი 42. სამეცნიერო-კვლევითი ერთეულების პერსონალი**

„ფაკულტეტის სამეცნიერო-კვლევითი ერთეულებში, რომლებიც არ წარმოადგენენ ფაკულტეტის დამხმარე სამეცნიერო ერთეულებს ერთიანდება კვლევითი საქმიანობის განმახორციელებელი პერსონალი.“;

**დებულების 45-ე მუხლის პირველი პუნქტი ჩამოყალიბდეს შემდეგი რედაქციით:**

„1. ფაკულტეტის სტუდენტი არის პირი, რომელიც „უმაღლესი განათლების შესახებ“ საქართველოს კანონით, თსუ-ს წესდებითა და მოქმედი კანონმდებლობით განსაზღვრული წესით ჩაირიცხა და სწავლობს ფაკულტეტის ბაკალავრიატის, მაგისტრატურის, დოქტორანტურის პროგრამაზე.“;

**15. დებულების 45-ე მუხლს, პირველი პუნქტის შემდგომ დაემატოს შემდეგი შინაარსის მქონე 1<sup>1</sup> პუნქტი:**



„1<sup>1</sup>. ფაკულტეტის პროფესიული სტუდენტი არის პირი, რომელიც კანონმდებლობითა და თსუ-ის შიდა სამართლებრივი აქტებით დადგენილი წესით ჩაირიცხა და სწავლობს პროფესიულ საგანმანათლებლო პროგრამაზე.“;

**16. დებულების 46-ე მუხლის მე-5 პუნქტი ჩამოყალიბდეს შემდეგი რედაქციით:**

„5. მაგისტრატურაში სწავლის გაგრძელების მსურველის (შემდგომში „კონკურსანტი“) საბუთების მიღებას ახორციელებს ფაკულტეტის მიმღები კომისია, რომელიც მტკიცდება ფაკულტეტის დეკანის ბრძანებით.“

**17. დებულების 46-ე მუხლის მე-7 პუნქტი ჩამოყალიბდეს შემდეგი რედაქციით:**

„7. გამოცდა სპეციალობაში ტარდება წერილობითი სახით. საგამოცდო ნამუშევრები ფასდება 100–ბალიანი სისტემით. გამოცდა ჩაბარებულად ითვლება, თუ კონკურსანტი მიიღებს დადებით შეფასებას არანაკლებ 51 ქულისა. სპეციალობის გამოცდაში კონკურსანტთა ნაშრომებს ამოწმებს საგამოცდო კომისია, რომელიც მტკიცდება დეკანის ბრძანებით. საგამოცდო კომისიის წევრი არ შეიძლება იყოს სამაგისტრო პროგრამის ხელმძღვანელი.“

**18. დებულების 46-ე მუხლის მე-10 პუნქტი ჩამოყალიბდეს შემდეგი რედაქციით:**

„10. მაგისტრატურაში მისაღები საკონკურსო გამოცდა(ები) ტარდება ფაკულტეტის მიერ თსუ საგამოცდო ცენტრის ტექნიკური მხარდაჭერით).“;

**19. დებულებას მე-13 თავში დაემატოს შემდეგი შინაარსის მქონე 51<sup>1</sup> მუხლი:**

**„ მუხლი 51<sup>1</sup>. გარდამავალი დებულებები**

წინამდებარე დებულების მე-6 მუხლის მე-4 პუნქტით ფაკულტეტის საბჭოს წევრისათვის გათვალისწინებული არჩევის ვადა, ფაკულტეტის საბჭოს მოქმედი, უკვე არჩეული წევრებისათვის აითვალოს ამ ცვლილებების ძალაში შესვლის დღიდან.“